

منه لکی در سعادت ایچون مجیدیه
بکرمی فروش حسابله الشمس
فروشدر

طشره ایچون پوسته اجرتی اوله رق
اون بش فروش ضم اولنور

نسخه سی ۴۰ پاره در

تجارت

آبونه اولق ایستینلر دائره عدلیه ده
اداره مخصوصه سنه مراجعت
ایملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

توجیهات

بور دور سنجانی بدایت محکمه سی مدعی عمومی
معاونلکندن قوزان سنجانی بدایت محکمه سی مدعی
عمومی معاونلکندن تعیین بیوریلان عزتلو مظهر بکه
ترقیه رتبه ثانیه صنف منایزی توجیه بیورلشدر .

تبلیغات

اعشار نظامنامه سنک اتوز طقوزنجی ماده سنه
تذیل اولنان فقره ده ملتزمینک مجلس اداره دن
مصدق دفترله اهالی ذمتلرنده کی مطلوبلرینک تحصیلی
ایچون وقوع مراجعتلرنده لاجل المحاکمه جلب اید-
یله جک اشخاص ناملرینه کوندریله جک دعوتیه ورقه
لرندن خرج اخذی واولبایده تنظیم اولنه جق مذکره
طرزنده کی اعلاملرک محکوم علیه تبلیغی ایجاب ایدوب
ایتمه جکک واولجه ربع اعلام خرجی النوب النیه-
جفتک تعیینی حقنده حلب ولایتی استیناف محکمه سی
مدعی عمومیلکندن وارد اولان تحریرات اوزرینه
انجمن عدلیه دن اعطا قلنان مذکره ده اعشار نظامنامه
مه سنک مذکور اتوز طقوزنجی ماده سنه تذیل
اولنان فقره نظامیه ده یوز غروشه قدر اولان
دعاویدن برکونه رسم وخرج النیه جی مرقم اولوب
محاکمه ده ذاتاً بوکی یوز غروش و آندن دون
مقدارده بولنان دعوالرک بلاخرج رؤیت و تدقیق
وحکم وقراره ربط و توثیق ایدلمکده بولندیغه بناء
اعشار ملتزمینک مجالس اداره دن مصدق دفترله
استنادا محاکمه مراجعتلری وقوعنده بونلرک یوز
غروش و آندن آشاغی اولان اله جقلرینک رؤیت
و حکمی ایچون برکونه رسم وخرج اخذی لازم
کلیه جکی کی کرک مقدار مذکور دون وکرک
زیاده مبالغه متعلق دعاویدن طولایی تنظیم اولنه جق
دعوتیه ورقه لرینک واسطه تبلیغی اولان مباشره
برقریه ویا محله اهالیسندن هر قاج کشی اولورسه
اولسون عزیمت وعودت مصرفیه یالکز بر شخیصه

مخصوص اجرت ویرلمی ذیل مذکورک جمله احکا-
مندن اولسلیله اجرت مسئله سنک دخی شو صورته
توفیقی طبیعی بولنش و اعلام شککنده ویریه جک
مذکره لک اجرا قانونه توفیقاً تنفیذ حکمی ضمننده
اجرا مأمورینه کوندریله جکی مذکور ماده مذبله ده
کوسترلمسینه نظراً اشبومذکره لک معاملات تبلیغیه دن
وارسته طوتلدینی اکلاشلمش اولوب انجق یوز
غروشدن زیاده مبالغه متدائر بولنان دعاوینک اساساً
خرج و رسمه تابع اولغله برابر بونلر حقنده بر فقره
استثناییه ده موجود اولماسینه کوره بوقیل دعوالرندن
طولایی تبلیغی لازم کلان دعوتیه ورقه لرینک هربری
ایچون تعرفه مخصوصه سنه توفیقاً تبلیغ و سالف الذکر
مذکره لک حاوی اولدینی مبالغ محکوم بهانک مقداری
اوزرندن نسبی اعلام خرج جاری آلتق اقتضا ایدیه جکی
مثلاً خرجه تابع اولان دعاویدن اولجه ربع اعلام خرجی
اخذی دخی مذکور تعرفه نک یدنجی ماده سی احکا-
مندن بولنش اولدیغندن صور محرره دائره سنده ایفای
معامله ایدلمی لازم کله جکی افاده اولنمشدر .

اسکوبلی متوفی حسن اغانک یحیی و محمد پاشا لار
اوقافی فضله و ارداندندن طولایی متولسی ناظم بک
علیهنده مانغا اسکوب دیوان تمیز حقوقندن استحصال
ایدوب بوکره ورثه سی طرفندن دائره اجرایه مرا-
جعتله تنفیذ حکمی طلب اولنان مضبطه نک متولی
موسی الیهک بالآخره وقوع وفاتنه مبنی ورثه سنه
ویا خود هنوز متولی تعیین اولنماسندن ناشی اوقاف
محاسبه جیلککنه می تبلیغی اقتضا ایدیه جکی خصوصنده تردد
ایدلیکندن بخله استفسار معاملیه می متضمن قوصوه
استیناف محکمه سی مدعی عمومیلکندن وارد اولان
تحریرات اوزرینه انجمن عدلیه دن اعطا قلنان
مذکره ده متوفای مرقوم حسن اغا ورثه سنک اخیراً
اعطا ایدلکری عرضحاله اوقاف مذکورده نک تسویه
اموری ایچون متولی تعیین قلندیغک مرقم اولدینی
تحریرات مذکورده جمله مندرجاتندن بولنسنه نظراً مضبطه
مذکورده نک فقرات حکمیه سنده لزوم تحصیلی کوستر-
یلان مبالغدن طولایی متولی سابقک شخصاً مسئولیتی

حالنده ورثه سنه ووقفه تعلق تقدیرنده متولی لاحقه
امر تبلیغی ایفا اولنق ایجاب ایدیه جکندن اکا کوره
اقتضاسنک ایفای خصوصی افاده اولنمشدر .

محاکمات و مقررات

در سعادت جنایت محکمه سندن تنظیم واعطا
قلنان اعلامدر:

اوچیوز اون سکر سنه سی کانون نانیسنک بکرمی
یدنجی بازار ایرتسی کونی ساعت یدی راده لرنده
هدایت جامع شریفی حولیسنده برادری موشلی احمدی
بیحاقله جرح و قتل ایتدیکی ادعاسیله مظنون علیه
اولان چقور چشمه ده طاش خنده بیتوتسله امتعه
اجنبیه کمرکنده محاللق ایتدیکنی بیسان ایدن بکرمی
باشنده موشلی علی بن ملهمک جنایتله اتهامه دائر
هیئت اتهامیه دن تنظیم قلنان مضبطه ایله استیناف
مدعی عمومیلککنک ۱۷ مارت سنه ۳۱۹ تاریخ و بیک
طقسان نومرولی اتهامنامه سی اوراق متفرعه سیله
برابر محکمه جنایتیه تودیع قلنمغله بالمطالعه تفصیلاتی
اولبایده طوتیلان ضبطنامه دن مستبان اوله جی اوزره
اصول محاکمات جزائییه قانوننک باب نانیسنک فصل
رابعنده محرر اولان معاملات ابتداییه بعد الایفا
اوچیوز اون طقوز سنه سی مارتنک اتوز برنجی
کونی مهم مرقوم توقیفخانه دن کتوردیلرک وکیلی
سعدالدین و مدعی عمومی معاونلرندن عزتلو ادهم
بکر حاضر اولدقلری حالده محاکمه علیه اجراسنه
بالابتدار کندوسیه وکیلنه خطارات قانونیه ایفا
قلندقدن صکره هیئت اتهامیه مضبطه سیله اتهامنامه
ضبط کاتبی صدقی افندی به اوقوتدیرلدی .

مذکور مضبطه ده برادری موشلی احمدی جرح
و قتل ایتدیکی ادعاسیله مظنون علیه اولان محال علی
حقنده اجرا قلنان تحقیقاتی حاوی اوراقده محرر
مرقومک اقراری و اخبارات ایله معاینه راپوری
وضبط ورقه لری مندرجاتی اتهامه درجه کفایه ده
کورلش و حرکتی قانون جزائک یوز یتیش دردننجی

ماده سنك فقره اولامى حكمتى مستنزم افعال جنا-
ئيدن بولنش اولديغدن جنايله اتهامنه قرار ورلدېكى
محور واهمانمده دخی مرقومك مذکور قتل جنا-
يتك من غيرتعمد فاعلى اولمغه منهم اولدينى مسطر در-
اتهامنامهك خلاصه مالى جانب رياستدن منهم
مرقومه توضيح ومعاون موسى اليه جانبندن دخی
اساس دعوانك تشریح اولتمنى معقب منهم مرقوم
سولتديرلده برادرى مقتول احمد اليه دائما خوش
كچمكه ورلكده بولمغه اولدينى واجبه طلبندن
ناشى ييتارنده منازعه دخی اولمدينى وجامع حوليسنه
كيتمديكى مرقوم احمدى قتل ايتديكى كى قاتلى
دخی بيله مديكى سولكله دائره استنطاقده برادرى
مقتول احمدك قهوهخانه به كلكه برطاق خلق موا-
جهه سنده باره طلب ايلسيله شو معامله سى كوجنه
كيتديكندن هدايت جامع شريفنى حوليسنه كوتوره رك
اوراده مساعده طلب ايتسى اوزرينه كندوسنه اطاله
لسان ايتسندن برده توقات اورميسندناشى حدتله رك
چوال كسمك ايچون زردنه بولنديرى بياض صايل
اوفى بر يچاق اليه فرق ايده مديكى برحمانه اوروب
ريختيم وسركچى وقوم قيو طريقه ماشيا مرقى
كوبنه واورادن دخی آياستاقنوسه كيدوب محل مذ-
كوره دردست اولندينى وپچاغى زويه آتديغك
فرقده بولندينى بولنده اعترافانده بولندينى جانب
رياستدن بالاخطار مادامك قتل مدعا بهده دخی
اولمدينى درميان ايلور ماشيا آياستاقنوسه قدر اختيار
فرار ايلسك سببى نه اوله بيله چكى وحيقت حال نه
ايسه آنى سويلسى لازم كله چكى منهم حال عليدن
استفسار ودها بعض استباضاه ابتدار اولنديقه
آياستاقنوسه مقدما برمدت چالشمش اولديغدن محل
مذكوره بيلديكى كسسه لر اليه كورشمك وايش
بولوب چالشمق اوزره كيتديكى ومقتول احمد كندو-
سندن دوت ياش قدر بيوك اولوب مرقوم حقده
احترامكارانه طاوراندېنى ومرقومى اورمدينى وراشدك
قهوهخانه سى او كنده منازعه ايتدكندن بشقه يوم
وقعهده مقتولى اصلا كورمديكى ورلكده جامعه دخی
كيتامش ايدوكى جوابى آلدى .
بناء على هذا ضابطه عدليه تقريرلى اليه كشف
ومعانيه حاوى راپور دخی اوقونديرلدى .
۲۷ كانون ثانى سنه ۳۱۸ تاريخلى اولان تقريرده :
بقورچشمهده طاش خانه بيتوتله درسعات امتعه
اجنيه كركنده حمالق ايدن موشلى على بن ملهم
برادرى احمد اليه ميهانلرند تگون ايدن منازعه
نتيجه سنده اوچوز اون سكر سنى كانون ثاينسك
يكرى يديجى بازار ايرتسى كونى ساعت سكر راده-
لرند امتعه داخيله وخارجيه كركلى وسطنده وهدايت

جامع شريفنى حوليسنده مرقوماندن فرارى عليك
احمدى پچاقه وصول بوكرندن جرح ايدر ك فرار
ايتديكى ومجروحك اشبو جرحدن متأثر افاده به
غيرمقدر اوله رق فوت اولدينى و ۲۸ كانون ثانى سنه
۳۱۸ تاريخلى تقريرده دخی فرارى عليك آياستاقنوسه
بر براقده مختلى اولدينى حالده باصديربوب دردست
اوله رق استيجوابنده اولان انكار ايتش ايسه ده
بالآخره برادرى احمدك قاتلى كندوسى اولدينى وفا
اليه جرح وقتل ايتديكى سويلديكى مذكور و ۲۷
كانون ثانى سنه ۳۱۸ تاريخلى طيب راپورنده ده مقتول
احمد تخميناً يكرى يدى ياشنده طويل القامه ووسط
البنيه اولوب صدرينك صول طرف بشنجى والتنجى
بين الاضلاعنده ايكر طرفى كسكين اوجى سيورى بر
آلت قاطعه اليه حصوله ككش اوج سائيمترو طولنده
عمق جوف صدره نافذ برعد جرحه كورلش ومذكور
آلتك انشاي سيرنده رنه ايسرى جرح ايتديكى كى
بعض شرايىنى دخی قطع ايتديكى ووقعه كلان سيلان
دم داخيلدن متأثر ومقبلاً وفات ايتديكك اكلا-
شالدينى مسطور در .
قرائت اولنان اوراق مندرجانه وضابطه حضو-
رنده سبق ايدن اعترافانه نهديه چكى دخی منهم عليدن
صورلدقه برادرينك جرح وقتلندن طولانى حاصل
اولان تأثر الجا آتيله نه سويلديكى بيله مديكى سرد
ايتدى .
مدعى عمومليك جانبندن ويريلوب على الاصول
معامله تبليغسى اجرا قلتمش اولان شهود بوصله-
سند اساميسى محرر كسانك دعوت واقعه به اتباعاً
ورود ايتديكى خبر وريكله بربرر حضور محكمه به
چيقاريله رق عند السؤال طرفينه قربايت ومناسبت
وخصوصتارى اولمدينى ووقعه مناسبيله متهى طانيد-
قارى اكلاشلمغه اصولاً امر تحليفارى بعد الاجرا
مواجهه ومفرداً استماع اولنديقلرند بولردن
ساپانيهده شيخ الاسلام عرصه سنده كلبهده بيتوتله
درسعات امتعه اجنيه كركنده سندوقيلى ايدر
ايدوكى سويليان يكرى برياشنده سعردلى حسنى بن
يوسف بركون كركك تعطيل ايتساننده كيسه دار
رشيدك قهوهخانه سى او كنده او طور ايدن منهم على
اليه برادرى مقتول احمد مياننده باره مسئله سندن
طولانى منازعه تحدث ايتديكى ومنهم عليك كل بورايه
حقى ويره ديو مقتول احمدى هدايت جامع شريفنى
حوليسنه كوتورديكندن ايكر دقيقه مرور ايدر ايتز
منهم على الى بلنه قويمش اولدينى حالده كركك ايچنه
طوغرى سرعتله كيتمى معقب آدم اورلدېنى شايع
اولسيله كيدوب باقديغده جامع حوليسنده حمال احمدك
مجروحاً ياتقده وجان چكشمكه اولدينى كورديكى

ومنهمه بچاق ودم آتارى كوره ميوب انجق الى بلنه
قويمش اولدينى مشاهده ايتديكى افاده مضبوطه سى
وجهله اخبار ايلدى .
شاهد قره كركده قيا قولاق محله سنده احمد بكك
خانه سنده مستأجراً ساكن وامتعه اجنيه كركى او كنده
قهوهجى يكرى اوج ياشنده وارنلى نورى بن على
كركك تعطيل بولندينى وقهوه سنده ككش اولان
حمالده قهوه پيشورمكه مشغول اولدينى انشاده
قهوهخانه سنده بولنان حمالرك اياغه قالمقارى اوزرينه
كندوسيده طيشارى به چيقوب نه اولدينى سؤال
ايتديكده حال عليك برادرى اوردينى سويلديك-
نى وكيدوب باقديغده برحمال برده ياتدينى وجان
ورمكه اولدينى كورديكى ويوم وقعهده منهم على
دخی قهوه خانهده ككوب او طوردينى كوروب انجق
مقتولك بولندينى محله كيتديكده منهم مرقومى اورلرده
كوره مديكى ومنازعه سابقه لرى طوميدى مضبوط
افاده سى دائره سنده ياد ولدى السؤال ديديكى عليك
حاضر بولنان منهم اولدينى علاوه ايراد ايلدى .
(مابعدى كله جك نسخيه)
آيازمه قبوسنده واسيلى جرح وقتل ايتديكى
ادعاسيله منهم بولنان اسمايل ومصطفى وقلب حقارنده
اجرا قلنان محاكمه نتيجه سنده اسمايلك من غير
تعمد قاتل ومصطفى اليه فليك دخی معين قاتل
اولدقلى شاهدرك شهادت واخباراتى وكندولرنيك
صورت افاده سى ومعانيه راپورى مندرجاليه ثابت
اولديغدن اولوجهل مجريمتلريره بولردن اسمايلك
قانون جزانك يوز تيش دردنجى ماده سنك فقره
اولاسنه توفيقاً اون بش ومصطفى وفليك دخی اوچر
سنه مدتله كركه قوللريره ۱۲ شباط سنه ۳۱۹
تاريخنده محكمه جنايجه قرار وريلمشدر .
بيوك اطهده نظام موقعنده استايونى قتل ايتديكى
ادعاسيله منهم بولنان پاوليك اجرا قلنان محاكمه علنيه سى
نتيجه سنده فعل مذكوره جراتى شهادت ومعانيه
راپورى مندرجاتى واقراى اليه ثابت اولديغندن
مجريمتنه وقانون جزانك يوز تيش دردنجى ماده سى
حكمنه توفيقاً اون بش سنه مدتله كركه قوللريره
محكمه جنايجه قرار وريلمشدر .
مصطفائيك اشيا سرقت ايتديكى ثابت اوله مد-
يغدن برائنه
عمر ككشهر سلاحه برابر صالحك جاني قيردينى
ثابت اوله مديغندن برائنه

حسن افنديك راغب افنديك جبراً خانه سنه
دخول اليه فوزيه خانمك مجروحيته سببت ويرديكى
وراغب افنديك دخی محمد نام چوجنى ضرب
ايتديكى ثابت اوله مديغندن برائلريره
خالد افنديك وهى ني ضرب ايتديكى اكلاشيله-
مديغندن برائنه
ابراهيم اليه صافينازك يكديكرى ضرب ايتديكى
ثابت اوله مديغندن برائلريره
منساو خرمليوك پوليس عمر لطفى افندي ني
اجراى مأموريت حالنده تحقير ايتديكى ثابت اوله-
مديغندن برائنه
احمدك ابراهيمى ضرب ايتديكى ثابت اوله مديغندن
برائنه
ضيا افندي به اطاله لسان ايدن انكتره دولتى
تبعه سندن ژان ولد قارلودن يارم ليرا جزاى نقدى
اخذيه
بغوصى ضرب ايدن بلال اليه صادك اونز
كون مدتله حبسلريره
بيوكدرلى يونانى بقال اسبرويه اطاله لسان ايدن
بيوكدرده ساكن حسن افانك اوغلى حسندن بر
ليرا جزاى نقدى اخذيه
عنانى جرح ايدن اسكدار اسكلسه باركي
سوريجيلرندن هدايت اليه سامينك درددر آى حبسلريره
پوليس جاوشى ابراهيم افندي به اطاله لسانده
بولنان بوزار ايچنده استيهده ساكن بيرام اوغلى
ابراهيمك ايكر كون حبسنه
خلاف تبيه اوزرنده سلاح طاشيدينى تين ايدن
اوستريلى ژاقدن بش بشلك جزاى نقدى اخذيه
ايرانى توتونجى عبدالله تشهير سلاح ايدن
قايقى حسينك يكرى كون حبسنه
قاسم باشاده سرورى محله سنده ساكنه صابره
خانمك پنه خانه اطاله لسان ايتديكى وحسام الدين
افنديك دخی مزبوره بنيه خانمك جاملرني قيردينى
ثابت اولديغندن مزبوره صابره خانمك يارم آلتون
جزاى نقدى اخذيه وحسام الدين افنديك يكرى
دوت ساعت حبسلره برابر كندوسندن اون بشلك
جزاى نقدى آلتسنه
تنظيفات عمله سندن محمد اغاني ضرب ايدن استيهده
مقيم بالقجى ميردن لرلر آتدق مضروب اعطاسنه
قادر ميجى صفره تشهير سلاح ايدن ترامواى
آرابه جيسى حسينك بر يچق آى حبسنه
جمال نام چوجنى جرح ايدن مصطفى عرفانك
برهفته حبسنه
خورشيد اغاني ضرب وجرح ايدن دن كويلي
حمزه ك اون كون برادرى حسنك برهفته حبسلريره

كرك مأمورلرينه اشيا سنى معاينه ايتديرمكسرين
امراد ايتديرميكى تين ايدن طناشدن بش بشلك
جزاى نقدى اخذيه
يكيشهرده ساكن صوغانجى قيرليك اريخني ضرب
ايتديكى مرتبه نبوته واصل اولديغندن برهفته مدتله
حبسنه
مجارده قرمى خانه ساكن ياقومى جرح
ايدن فريدهده تشكجى زقاغده مقيم عليك بر يچق
آى حبسنه
محرراى جديدده آرابه جى بابلك رشيد خانه
صارقديلى ايتديكى ثابت اولديغندن اوج آى حبسنه
مضارب ايتديكى تحقير ايدن ملك وشريفه اليه
على چاوشك برهفته حبسلريره
تلاق افندي به حقارت ايدن قوزغنجقهده ساكن
فسجى باندلنسك اوج كون وبانچونك الى كون
حبسلريره
معليجى جمال اليه بانچوان حسنك يكديكرى
ضرب ايتديكى ثابت اولديغندن برهفته حبسلريره
قاضى قريه سنده ساكن اسماعيلك كرد على ني
يكرى دوت كوندن زياده ايتسندن معطل ايدر صورنده
جرح ايتسندن دولاي الى آى حبسنه ومجروحك
ايام معطله اجرنتك تحصيله
حاييجى اوغلنده ساكن اوخانلى ضرب ايتديكى
اقراريله تين ايدن محى الدين نيازي افنديك يكرى
كون مدتله حبسنه
بكجى محمد اخافه قصديله تشهير سلاحه جرأت
ايدن بشكطاشده مقيم ونيك يكرى كون مدتله حبسنه
اجراى مأموريت حالنده ايكر پوليس على رضا
افندي ني تحقير ايتديكى شهادتله تحقير ايدن الماطاغنده
ساكنه مارينك اون كون حبسنه
بيوكدرلى توفيليك قريه مذكورهده ساكنه
ماريغه وقاينه قاديلى ضرب ايتديكى ثابت اوله-
يغندن ضاربدين اوج ليرا آلتوب مضروب لره اعطاسنه
قوميسر محمد افندي ني تحقير ايدن دولاب دره-
سنده ساكن ايرانى كريمدن بر ليرا جزاى نقدى
اخذيه
عنان اغاني ضرب ايدن قاسم باشاده ساكن مصطفى
افنديك ايكر آلتون آتدق مضروب اعطاسنه
پوليس محمد افندي به اطاله لسان واسيلك
اموال منقوله سنده ايراث خسار ايدن استيهده مقيم
يونانى بالقجى نيقودن ايكر آلتون جزاى نقدى اخذيه
درسعات ، بك اوغلى واسكدار بدايت محكمه لرى جزا
دائرلرنيجه قرار وريلمشدر .

اخبارات

تجارت بحريه محكمه سنده :
اولجه يكرى جامع شريف جاده سنده كائن دكانده
مقيم تحفجى لئون آناوك ۲۷ اغستوس سنه ۳۱۹
تاريخندن اعتباراً اعلان افلاسنه ومصالح افلاسيه سنك
رؤيت وتسويه سى ضمننده اعضاى محكمه دن عزتلو
مارقار افنديك ژور قوميسر ودعوى وكيللرندن
عنان طلعت بكك موقت سنديك تيمينلريره ومغازه سيله
اشياى زائده بيتيه سنك تمهريره واوراق ودقارنيك
جليله وكفالت معتبره ارانه ايده مديكى تقديرده حبس
وتوقيفه وبوبادى ك قرارك موقه اجراسنه محكمه
تجارت بحريه جه قرار وريلمش اولديغندن قانوننامه
تجارنك ۱۷۰ نجى ماده سى موجبنجه دائمى سديكلر
انتخاب اوللق اوزره (۴ مارت سنه ۳۲۰) بچشيه
كونى ساعت يدي راده لرند اصحاب مطلوبك محكمه
مذكوره نك افلاس او طه سنه كلرى اعلان اولنور .
اتقرهده ساكن ايكر تجارت بحريه محكمه سندن
افلاسنه حكم اولتمش اولان يونانكى ايه اوغلسك
خصوصات افلاسيه سنك رؤيت وتسويه سى ضمننده
دعوى وكيللرندن قهرت آيچيان وابنده لاي قوزميدى
افنديلر اصالة سنديك تعيين قلتمش اولدقارندن
وحياهده ساكن آورام فليب اوغلسك دخی مفلس
مرقوم اليه اشتراكلى ثابت اوله رق قرار افلاسك
شركت مذكوره به دخی تشميل قلنديغه بناء مفلسان
مرقومانك شخص وشركتلى ذمتنده آله جنى اولنلرك
قانوننامه تجارنك ۱۹۹ و ۲۰۰ نجى ماده لرى موجبنجه
تحقيق ديون ايچسون تاريخ اعلاندن اعتباراً يكرى
بركون ظرفنده سنداقى محكمه كاتبه تسليم ايلارى
ومدت مذكوره ختامندن صكره اوچ كونده يعنى
اوچيوز يكرى سنه سى مارتنك دردنجى بچشيه ،
التنجى جمع ايرتسى وسكرنجى بازار ايرتسى كونلرى
تجارت بحريه محكمه سنك افلاس او طه سنه كلكه رك
سنديك افنديلر مواجهه سنده آله جقارى اثبات وقيد
وتصديق ايتديرملرى ومدت مذكورهده اثبات وجود
ايده ميان آله جقولرلر حقنده قانون مذكورك ۲۱۰ نجى
ماده سنده توفيقاً معامله اوله جنى اعلان اولنور .
استانبولده چقماچيلر يقوشنده تجارتله مشغول
ايكر تجارت بحريه محكمه سندن افلاسنه حكم اولتمش
اولان سر كس بديان ذمتنده آله جقنى اثبات وباموقفاً
قبول وقيد ايتديرمش اولان آله جقولرلر قانوننامه
تجارنك ۲۱۱ نجى وآنى ولى ايدن ماده سى موجبنجه
مفلس طرفسندن تكليف اوله جق قوقور داتونك
مذاكره سى ايچون اشبو ۳۱۹ سنه سى شباطنك يكرى

دردنجی صالی کونی محکمه مذکورہ نک افلاس
اوطہ سنہ کلری اعلان اولنور .

ازمید بدایت محکمی تجارت قلمندہ :

ازمیدده ارمنی محله سندن دکانده ساکن ایکن
ازمید تجارت محکمه سندن افلاسنه حکم اولنش اولان
مانیفاطوره جی پاپاسیان آصادورک خصوصات افلاسیه
سنک رؤیت وتسویه سی ضمانده دعوی وکیللرندن
رفعتلو علی غالب وخیل افندیلرله قومیسونجی مهران
افندی اصالة سنندیک تعین قلمش اولدقلرندن
مفلس مرقوم ذمتنده آلاجنی اولانلرک تجارت قانوننامه
هایوننسک ۱۹۹ و ۲۰۰ نجی ماده لری موجبنجه
تحقیق دیون ایچون بیک اوچوز اون طقوز سنه سی
شهر شباطک یکر می ایکنجی کونندن اعتباراً یکر می بر
کون ظرفنده سنداتی محکمه کاتبه تسلیم ایللری
ومدت مذکوره ختامندن صکره اوچ کونده یعنی شهر
مارتک اون بشنجی بازار ایتسی واون التنجی صالی
واونیدنجی چهارشنبه کونلری محکمه نک قلم اوطه سنه
کلرک سنندیک افندیلر مواجهه سندن الاجقلری
اثبات وقید وتصدیق ایتدیملری ومدت مذکوره ده
اثبات وجود ایده میان الاجقلولر حقنده قانون مذکورک
۲۱۰ نجی ماده سنه توفیقاً ایضای معامله اولنه جنی
اعلان اولنور .

مدلل تجارت محکمه سندن :

مدلل تجارت محکمه سنجه مقدما افلاسی قرار کیر
اولوب مراسم اعلانیه سی اجرا قلنان والیوم وادی
فرارده بولنان بیلمارلی مانیفاطوره تجارتدن دیمتری
قو قارینک تجارت بریه قانوننامه سنک ایکیوز طقسان
ایکنجی ماده سی موجبنجه حیللی مفلس اولدیغنه
۳۰ ذی القعدة سنه ۳۲۱ و ۳ شباط سنه ۳۱۹ تاریخنده
قرار ویرلیدی اعلان اولنور .

درسعادت تجارت محکمی اجرا دائره سندن :

افتیمیادیسک کراسته جی ایتیم ویوان ذمتلرند
محکوم به آلاجنی اولان مبالغک تأمین تسویه سیچون
مدیونلرک کراسته جیلرده ۳۷۸ نومرولی دکانده
موجود کراسته مثللو اموال محجوزه سنک فروختی
قرار آلتنه آلتش اولدیغندن ورموجب قرار اموال
محجوزه مذکوره شباطک یکر می دردنجی صالی کونی
ساعت بشدن یدی به قدر محل مذکوره بالمزاید
فروخت اولنه جغندن اشتراسنه طالب اولانلرک یوم
ووقت مزبورده محل مذکور پیشگاهنده ماموری

مواجهه سندن حاضر بولملری محکمه تجارت اجرا
دائره سندن اعلان اولنور .

عثمان افانک یانی نیکتونیدیس ذمتنده اولان مطلوب
محکومک تأمین تسویه سی ضمانده محجوز وفروختی
مقرر بولنان بر عدد مستعمل قاریوله ایله بر عدد کیر
وبر عدد صغیر اوت ملو مندر و بش عدد حصیر صندالیه
ایکی عدد ماصه و بر عدد صغیر ساعت و بر عدد صغیر آینه
و بر عدد آصمه لامبه ودها سائر بومثلواشیا تاریخ اعلاندن
اعتباراً اوچ کون صکره یعنی شباط رومینک یکر می
دردنجی صالی کونی بلاط چارشوسنده ماموری
معرفیله بالمزاید فروخت اولنه جغندن اشتراسنه
طالب اولانلرک یوم و محل مذکوره ساعت بشده
حاضر بولملری محکمه تجارت اجرا دائره سندن اعلان
اولنور .

اعلامات نظامیه اجرا دائره سندن :

حسین حسنی افندیسنک متوفاه خدیجه خانمک
اموالندن اولمق اوزره ورثه سندن حق افندی ذمتنده
محکوم به آلاجنی اولان مبالغک تأمین استیفاسی
ضمنده مدیون مومی الیهک عهده تصرفده اولوب
مرهون وفروختی محکوم بولنان ایاصوفیه کیرده
دیوان یولنده فیروز اغا محله سندن التمش آرشون
عرصه اوزرینه مبنی فوقانی ایکی وتختانی بر اوطه یی
حاوی یوزاون نومرولی بر باب اجزاخانه ملککنک ربع
وکدکنک ثلث عن نصف حصه سنک تاریخ اعلاندن
اعتباراً اون بش کون صکره بالمزاید فروخته تشبث
اولنه جنی درسعادت اعلامات نظامیه اجرا دائره سندن
اعلان اولنور .

لطیفه خانمک علی رضا بک ذمتنده بااعلام نظامی
آله جنی اولان مبالغک تأمین استیفاسیچون دایه
مومی الیهانک عهده سنه وفاء مفروغ وفروختی محکوم
بولنان غربا حسین اغا محله سندن اقسرای جاده سندن
واقع تخمیناً ایکیوز یکر می درت آرشون عرصه
اوزرینه مبنی وتختانی التمش آرشون آرالنی حاوی
شهری اوچ عدد عثمانلی لیراسی ایجار کتوریر یوز
طقسان التی نومرولو بر باب قرا تخته خانه دروننده
مستقر بر عدد بربر کدیکله ملککنک ثلث حصه لری
التمش برکون اجرا قلنان مزاید علیه نتیجه سندن
لیرای عثمانی یوز غروش حسابیه اوچ بیک بشیوز
غروشد طالبی عهده سندن تقرر ایدرک رغبات ناسک
انقطاعه مبنی موقتاً قرار داده سی کشیده قلندیغندن
یوزده بش ضمیمه زیاده طالب اولانلرک تاریخ اعلاندن

اعتباراً اوتوز برکون ظرفنده بی اچهلری مستصحباً
درسعادت اعلامات نظامیه اجرا دائره سنه مراجعت
ایللری ومدت مذکورہ نک انقضاسندن صکره قطعاً
ضم قبول اولنیه جنی اعلان اولنور .

بک اوغلی بدایت محکمی اجرا دائره سندن :

آوستریا دولتی تبعه سندن آنطونیو ایواچیچک
ابراهیم ادهم افندی ذمتنده بااعلام محکوم به آلاجنی
اولان مبالغ معلومه نک تأمین استیفاسی ضمانده مدیون
مومی الیهک عهده تصرفده اولوب حجز آلتنه آلتش
اولان شیشلینک قیر موقعنده قیر زقاغنده واقع بش
نومرو ایله مرقم طولاً آلتش وعرضاً اون بچق
آرشون که من حیث المجموع تخمیناً آلتی یوز طقسان
آرشوندن عبارت بولنان معلوم الحدود وقف بر باب
عرصه نصفنک تاریخ اعلاندن اعتباراً اون بش کون
صکره بالمزاید فروخته تشبث اولنه جغندن طالب
اولوب ده زیاده معلومات آلمق ایستیانلرک بک اوغلی
بدایت محکمی اجرا دائره سنه مراجعت ایللری
اعلان اولنور .

فرانسه دولتی تبعه سندن موسیورنه غلاوانی
وسائر نک یونان دولتی تبعه سندن مادام ماری لیوا-
داری ذمتنده محکوم به آلاجلری اولان معلوم المقدار
مبالغک تأمین تسویه سی ضمانده داین مومی الیه موسیو
رنه عهده سندن فراغ بالوفا صورتیه مرهون بولنان
بک اوغلنده قمر خاتون محله سندن آینه لی چشمه ده
زران زقاغنده تخمیناً ایکی یوز آلتش ذراع عرصه
اوزرینه مبنی تختانی وفوقانی اون ایکی اوطه و صهرنج
وقیو ونخزن و او دونلق ایله بر مقدار آچیقانی مشتمل
وسنوی یوز الی لیرا بدل ایجاره متحمل اون بر
نومرولی کار کیر بر باب خانه ایله یه آینه لی چشمه
جاده سندن تخمیناً یوز الی ذراع عرصه اوزرینه مبنی
تختانی وفوقانی صغیر و کبیر یدی اوطه مع صفه
و آبدستخانه ومطبخ و صهرنجی و درتیوز قرق بش
ذراع مقداری باغچه یی مشتمل سنوی آلتش لیرا
کرایه متحمل اوتوز ایکی نومرولی کار کیر بر باب
خانه سی حجز آلتنه آلدیرلمش اولمغله تاریخ اعلاندن
اعتباراً اون بش کون صکره بالمزاید فروخت اولنه
جغندن طالب اولوب ده زیاده تفصیلات آلمق
ایستیانلرک بک اوغلی بدایت محکمی اجرا دائره سنه
مراجعت ایللری اعلان اولنور .